



Optužnica protiv uposlenika Ambasade BiH u Parizu

ZLOUPOTREBAMA SEBI PRIBAVIO 10.000 MARAKA

Tužilaštvo BiH je podiglo optužnicu protiv Velida Hamdičevića, zaposlenog u Ministarstvu vanjskih poslova BiH na poziciji savjetnika za konzularne poslove u Ambasadi BiH u Parizu.

Optuženi se tereti za korupciju, tačnije, da je zloupotrijebio svoj službeni položaj, s ciljem stjecanja imovinske koristi. Optuženi je, prema

prikupljenim dokazima, u više od trideset slučajeva, u zamjenu za novčanu naknadu različitog iznosa, najčešće od više stotina eura, omogućio izdavanje putnih listova osobama, uglavnom romske nacionalnosti s područja BiH, za koje je bio svjestan da ne ispunjavaju potrebne uslove za putovanje i boravak u Francuskoj, niti državljanstvo kao ni uvjete za

izdavanje navedenih dokumenata. Putne listove je davao i osobama koje nisu državljanice BiH, navode u Tužilaštvu.

Navedenim krivičnim djelima nanosena je velika šteta ugledu BiH i nanosena šteta općoj sigurnosti i kontroli imigracije u Francuskoj.

Ova optužnica rezultat je rada zajedničkog istražnog tima BiH i Francuske u okviru

kojeg je ostvarena značajna saradnja s tužilaštvom i partnerskim institucijama Francuske. Istražitelji tužilaštva BiH i **SIPA-e**, s ciljem prikupljanja dokaza, izvršili su i pretres diplomatsko-konzularnog predstavništva BiH u Francuskoj.

Optuženi Hamdičević tereti se da je pribavio imovinsku korist u iznosu koji prelazi 10.000 KM.